



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

24.07.2020թ.

Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ  
թիվ ՍՑ-ԼՕ-2020/157

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Ռ. Մկրտչյանի

Պատվիրատու՝ «Երևանի պետական համալսարան» հիմնադրամ  
Մասնակից՝ «Բլամնո» ՍՊԸ

Գնման ընթացակարգի ծածկագիրը և առարկան՝  
«ԵՊՀ-ԳՀԱՊՁԲ-20/109» ծածկագրով գնանշման հարցման ընթացակարգ,  
անհատական պաշպանության միջոցների ձեռքբերում

ՀՀ գնումների հետ կապված բողոքներ քննող անձը (այսուհետ՝ նաև Բողոքներ  
քննող անձ)՝ ուսումնասիրելով Հայաստանի Հանրապետության ֆինանսների  
նախարարության կողմից 29.06.2020թ.-ի թիվ 26/26/9625-2020 գրությամբ «Բլամնո» ՍՊԸ-  
ին (այսուհետ նաև՝ Մասնակից) գնումների գործընթացին մասնակցելու իրավունք չունեցող  
մասնակիցների ցուցակում ներառելու նպատակով նախաձեռնված ընթացակարգով  
ներկայացված հիմքերը,

Պ Ա Ր Զ Ե Ց

1. Գործի նախապատմությունը

ՀՀ ֆինանսների նախարարությունը, «Երևանի պետական համալսարան» հիմնադրամի (այսուհետ նաև՝ Պատվիրատու) 25.06.2020թ.-ի թիվ 01/795-20 գրության հիման վրա, 29.06.2020թ.-ին «Բլամնո» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

Բողոքներ քննող անձի գործը մակագրվել է 29.06.2020թ.-ին:

29.06.2020թ.-ին կայացված որոշմամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ, հրապարակվել է [www.gnumner.am](http://www.gnumner.am) կայքում և տրվել թիվ ԱՅ-ԼՕ-2020/157 համարի ծածկագիրը:

08.07.2020թ.-ին, 15.07.2020թ.-ին և 24.07.2020թ.-ին նշանակվել և հրավիրվել են նիստեր:

Գործի քննությունն ավարտվել է 15.07.2020թ.-ին և Բողոքներ քննող անձի որոշման հրապարակման օր է նշանակվել 24.07.2020թ.-ին:

## **2. «Երևանի պետական համալսարան» հիմնադրամի ներկայացրած փաստերը և դիրքորոշումը.**

«Երևանի պետական համալսարան» հիմնադրամը 25.06.2020թ.-ի թիվ 01/795-20 գրությամբ դիմելով ՀՀ ֆինանսների նախարարությանը և հայտնել է, որ ղեկավարվելով ՀՀ կառավարության 2017թ.-ի մայիսի 04-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 45-րդ կետով՝ ներկայացվում է ՀՀ ԿԳՆ «Երևանի պետական համալսարան» հիմնադրամի կարիքների համար անհատական պաշպանության միջոցների ձեռքբերման նպատակով կազմակերպված «ԵՊՀ-ԳՀԱՊՁԲ-20/109» ծածկագրով գնանշման հարցման ձևով գնում կատարելու ընթակարգի շրջանակում «Բլամնո» ՍՊԸ-ի տվյալները՝ համապատասխան հիմքերով:

## **3. «Բլամնո» ՍՊԸ-ի ներկայացրած փաստարկները և դիրքորոշումը.**

Բողոքներ քննող անձը 29.06.2020թ.-ին գրությամբ դիմել է «Բլամնո» ՍՊԸ-ին՝ հնարավորություն տալով ՀՀ ֆինանսների նախարարության կողմից 29.06.2020թ.-ի թիվ

26/26/9625-2020 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը ստանալով կարծիք հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացրել գրավոր դիրքորոշում, առարկություններ կամ կարծիք՝ չներկայանալով նաև հրավիրված նիստին:

**4. ՍՑ-ԼՕ-2020/157 ընթացակարգի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

i. «Երևանի պետական համալսարան» հիմնադրամի (այսուհետ նաև՝ Պատվիրատու) կողմից անհատական պաշտպանության միջոցների ձեռքբերման նպատակով 20.05.2020թ.-ին հայտարարվել է «ԵՊՀ-ԳՀԱՊՁԲ-20/109» ծածկագրով գնանշման հարցման ընթացակարգ (այսուհետ նաև՝ Ընթացակարգ), որին մասնակցելու նպատակով հայտ է ներկայացրել նաև «Բլամնո» ՍՊԸ-ն:

ii. «Բլամնո» ՍՊԸ-ն մասնակցության հայտի թիվ 1 հավելվածով՝ գնանշման հարցման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ԵՊՀ-ԳՀԱՊՁԲ-20/109» ծածկագրով գնման ընթացակարգի հրավերով սահմանված մասնակցության իրավունքի պահանջներին և պարտավորվում է ընտրված մասնակից ճանաչվելու դեպքում, հրավերով սահմանված կարգով և ժամկետում, ներկայացնել գնային առաջարկի չափով որակավորման ապահովում:

iii. Ընթացակարգի գնահատող հանձնաժողովի (այսուհետ նաև՝ Հանձնաժողով) 27.05.2020թ.-ի նիստի թիվ 2 արձանագրության համաձայն՝ Հանձնաժողովն որոշել է «Բլամնո» ՍՊԸ-ին 2-րդ, 3-րդ և 4-րդ չափաբաժինների մասով ճանաչել հաղթող մասնակից:

iv. Պատվիրատուն 10.06.2020թ.-ին Մասնակցին ներկայացրել է «ԵՊՀ-ԳՀԱՊՁԲ-20/109» ծածկագրով պայմանագրի նախագիծը:

v. Պատվիրատուն 22.06.2020թ.-ին էլեկտրոնային փոստի միջոցով դիմել է «Բլամնո» ՍՊԸ-ին և խնդրել է սեղմ ժամկետներում ներկայացնել պայմանագրի նախագիծը:

vi. «ԵՊՀ-ԳՀԱՊՁԲ-20/109» ծածկագրով ընթացակարգի գնահատող հանձնաժողովը 22.06.2020թ.-ին դիմել է ընթացակարգի քարտուղարին և հայտնել հետևյալը.

*«Հաշվի առնելով այն հանգամանքը, որ «ԵՊՀ-ԳՀԱՊՁԲ-20/109» ծածկագրով անհատական պաշտպանության միջոցների ձեռքբերման նպատակով կազմակերպված մրցույթի 2-րդ, 3-րդ և 4-րդ չափաբաժինների մասով ընտրված մասնակից ճանաչված (հայտարարված) «Բլամմո» ՍՊԸ-ն պայմանագիր կնքելու առաջարկի մասին ծանուցումը և պայմանագրի նախագիծը ստանալուց հետո չի ստորագրել և «Երևանի պետական համալսարան» հիմնադրամին ներկայացրել պայմանագիրը և որակավորման և պայմանագրի ապահովումները, խնդրում ենք հրավիրել գնահատող հանձնաժողովի արտահերթ նիստ:»:*

vii. Հանձնաժողովի 23.06.2020թ.-ի նիստի թիվ 3 արձանագրության համաձայն՝ «ԵՊՀ-ԳՀԱՊՁԲ-20/109» ծածկագրով գնանշման հարցման գնման ընթացակարգի շրջանակում գնահատող հանձնաժողովի 2020թ.-ի մայիսի 27-ի որոշմամբ 2-րդ, 3-րդ և 4-րդ չափաբաժինների մասով ընտրված մասնակից ճանաչված «Բլամմո» ՍՊԸ-ին 2020թ.-ի հունիսի 10-ին էլեկտրոնային գնումների Armeps համակարգի միջոցով և [blammollc@mail.ru](mailto:blammollc@mail.ru) էլեկտրոնային փոստին ծանուցվել է պայմանագիր կնքելու առաջարկը և ուղարկվել է կնքվելիք պայմանագրի նախագիծը:

Միաժամանակ 2020թ.-ի հունիսի 10-ին «Բլամմո» ՍՊԸ-ի էլեկտրոնային փոստին է ուղարկվել ծանուցում պայմանագիր կնքելու առաջարկը տրամադրված լինելու մասին, սակայն 23.06.2020թ.-ի դրությամբ Մասնակցի կողմից պայմանագրի շնորհումը չի ընդունվել:

Ելնելով վերոգրյալից և հաշվի առնելով այն, որ «Գնումների մասին» ՀՀ օրենքի 36-րդ հոդվածի 3-րդ մասի, ինչպես նաև «ԵՊՀ-ԳՀԱՊՁԲ-20/109» ծածկագրով գնանշման հարցման ընթացակարգի հրավերի 1-ի մասի 9.5-րդ կետի պահանջների համաձայն՝ «Բլամմո» ՍՊԸ-ն պայմանագիր կնքելու առաջարկի մասին ծանուցումը և պայմանագրի նախագիծը ստանալուց հետո 10 աշխաասանքային օրվա ընթացքում պետք է ստորագրեր պայմանագիրը և «Երևանի պետական համալսարան» հիմնադրամին ներկայացներ որակավորման և պայմանագրի ապահովումները, սակայն նշված ժամկետում չի ստորագրել պայմանագիրը և չի ներկայացրել նշված ապահովումները, ուստի Հանձնաժողովը որոշել է «ԵՊՀ-ԳՀԱՊՁԲ-20/109» ծածկագրով մրցույթի 2-րդ, 3-րդ և 4-րդ

չափաբաժինները հայտարարել չկայացած և «Բլամնո» ՍՊԸ-ին զրկել պայմանագիրը ստորագրելու իրավունքից:

## **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ ՀՀ ֆինանսների նախարարության կողմից 29.06.2020թ.-ի թիվ 26/26/9625-2020 գրությամբ «Բլամնո» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է մերժման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ կետի «ա» և «բ» ենթակետերի համաձայն՝ ... մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, և որպես ընտրված մասնակից հրաժարվել է պայմանագիր կնքելուց:

Նույն հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 4-րդ հոդվածի 1-ին մասի համաձայն՝ գնումների մասին Հայաստանի Հանրապետության օրենսդրությունը բաղկացած է Հայաստանի Հանրապետության քաղաքացիական օրենսգրքից, սույն օրենքից և իրավական այլ ակտերից: Գնումների մասին իրավական այլ ակտերը հրապարակվում են նաև պաշտոնական տեղեկագրում:

ՀՀ քաղաքացիական օրենսգրքի (այսուհետ՝ նաև Օրենսգիրք) 3-րդ հոդվածի 1-ին կետի համաձայն՝ քաղաքացիական օրենսդրությունը հիմնվում է իր կողմից կարգավորվող

հարաբերությունների մասնակիցների հավասարության, կամքի ինքնավարության և գույքային ինքնուրույնության, սեփականության անձեռնմխելիության, պայմանագրի ազատության, մասնավոր գործերին որևէ մեկի կամայական միջամտության անթույլատրելիության, քաղաքացիական իրավունքների անարգել իրականացման անհրաժեշտության, խախտված իրավունքների վերականգնման ապահովման, դրանց դատական պաշտպանության սկզբունքների վրա:

Նույն հոդվածի 2-րդ կետի համաձայն՝ քաղաքացիները և իրավաբանական անձինք քաղաքացիական իրավունքները ձեռք են բերում ու իրականացնում իրենց կամքով և ի շահ իրենց: Նրանք ազատ են պայմանագրի հիման վրա սահմանելու իրենց իրավունքները և պարտականությունները, որոշելու պայմանագրի՝ օրենսդրությանը չհակասող ցանկացած պայման:

ՀՀ քաղաքացիական օրենսգրքի 8-րդ հոդվածի 2-րդ պարբերության համաձայն՝ քաղաքացիական իրավական նորմերի տեքստում կիրառվող բառերի և արտահայտությունների տարբեր ձևերով մեկնաբանման դեպքում, նախապատվությունը տրվում է նույն օրենսգրքի 3-րդ հոդվածի 1-ին կետում շարադրված՝ քաղաքացիական օրենսդրության սկզբունքներին համապատասխանող մեկնաբանմանը:

ՀՀ քաղաքացիական օրենսգրքի 10-րդ հոդվածի 1-ին կետի համաձայն՝ քաղաքացիական իրավունքները և պարտականությունները ծագում են օրենքով ու այլ իրավական ակտերով նախատեսված հիմքերից, ինչպես նաև քաղաքացիների և իրավաբանական անձանց այն գործողություններից, որոնք թեև օրենքով կամ այլ իրավական ակտերով նախատեսված չեն, սակայն, ըստ քաղաքացիական օրենսդրության սկզբունքների, առաջացնում են քաղաքացիական իրավունքներ և պարտականություններ:

Դրան համապատասխան, քաղաքացիական իրավունքները և պարտականությունները ծագում են՝

1) օրենքով նախատեսված պայմանագրերից և այլ գործարքներից, ինչպես նաև այն պայմանագրերից ու գործարքներից, որոնք թեև օրենքով նախատեսված չեն, սակայն դրան չեն հակասում.

2) պետական և տեղական ինքնակառավարման մարմինների ակտերից, որոնք օրենքով նախատեսված են որպես քաղաքացիական իրավունքների և պարտականությունների ծագման հիմք.

3) քաղաքացիական իրավունքներ և պարտականություններ սահմանող դատական ակտից.

4) օրենքով թույլատրվող հիմքերով գույք ձեռք բերելու հետևանքով.

5) գիտության, գրականության, արվեստի ստեղծագործություններ, գյուտեր և մտավոր գործունեության այլ արդյունքներ ստեղծելու հետևանքով.

6) այլ անձին վնաս պատճառելու հետևանքով.

7) անհիմն հարստացման հետևանքով.

8) քաղաքացիների և իրավաբանական անձանց այլ գործողությունների հետևանքով.

9) այնպիսի իրադարձությունների հետևանքով, որոնց հետ օրենքը կամ այլ իրավական ակտը կապում է քաղաքացիական իրավական հետևանքների առաջացում:

«Սահմանադրության 3-րդ, 11-րդ, 28-րդ, 39-րդ, 59-րդ և բազմաթիվ այլ հոդվածներում ամրագրված են անձի իրավունքների և ազատությունների իրականացման, օրենսդրությամբ դրանց արդյունավետ պաշտպանության երաշխավորումն ապահովելու ելակետային սկզբունքներ ու նորմեր, որոնք համապարտադիր նշանակություն ունեն հասարակական բոլոր, այդ թվում նաև՝ քաղաքացիաիրավական հարաբերությունների կարգավորման բնագավառում:

«Սահմանադրության վերոհիշյալ նորմերի պահանջների կատարման երաշխավորմանն է կոչված «քաղաքացիական օրենսգիրքը, որը սահմանում է քաղաքացիական շրջանառության մասնակիցների իրավական վիճակը, կարգավորում սեփականության իրավունքի և այլ գույքային իրավունքների, դրանց հետ կապված անձնական ոչ գույքային հարաբերությունները, պայմանագրային և այլ պարտավորությունների ծագման, փոփոխման և դադարման հիմքերը և կարգը:

Անձանց իրավունքների իրականացման և պաշտպանության հետ կապված՝ օրենսգրքի մի շարք այլ հոդվածներով միաժամանակ սահմանվում են քաղաքացիական իրավունքների և պարտականությունների ծագման հիմքերը (10-րդ հոդված), այդ իրավունքների իրականացման ընդհանուր կարգը, սահմանները և պաշտպանության եղանակները (11-րդ, 12-րդ, 14-րդ, 16-րդ հոդվածներ):

«քաղաքացիական օրենսգրքի 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան:

«քաղաքացիական օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

ՀՀ քաղաքացիական օրենսգրքի 417-րդ հոդվածի 1-ին մասի համաձայն՝ պարտապանը պարտավորությունը չկատարելու և (կամ) անպատշաճ կատարելու համար պատասխանատու է **մեղքի առկայության դեպքում**, եթե այլ բան նախատեսված չէ օրենքով կամ պայմանագրով: Պարտապանը ճանաչվում է անմեղ, եթե ապացուցում է, որ ինքը պարտավորությունը պատշաճ կատարելու համար ձեռնարկել է իրենից կախված բոլոր միջոցները:

Սույն գործի փաստերի համաձայն՝ «Երևանի պետական համալսարան» հիմնադրամի կողմից անհատական պաշտպանության միջոցների ձեռքբերման նպատակով 20.05.2020թ.-ին հայտարարված «ԵՊՀ-ԳՀԱՊՁԲ-20/109» ծածկագրով գնանշման հարցման ընթացակարգին մասնակցության հայտ ներկայացրած «Բլամմոլ» ՍՊԸ-ն 2-րդ, 3-րդ և 4-րդ չափաբաժինների մասով ճանաչվել է հաղթող մասնակից:

Պատվիրատուն 10.06.2020թ.-ին Մասնակցին ներկայացրել է «ԵՊՀ-ԳՀԱՊՁԲ-20/109» ծածկագրով պայմանագրի նախագիծը:

Պատվիրատուն 22.06.2020թ.-ին էլեկտրոնային փոստի միջոցով դիմել է «Բլամմոլ» ՍՊԸ-ին և խնդրել է սեղմ ժամկետներում ներկայացնել պայմանագրի նախագիծը:

«ԵՊՀ-ԳՀԱՊՁԲ-20/109» ծածկագրով ընթացակարգի գնահատող հանձնաժողովը 22.06.2020թ.-ին դիմել է ընթացակարգի քարտուղարին և հայտնել է հետևյալը.

*«Հաշվի առնելով այն հանգամանքը, որ «ԵՊՀ-ԳՀԱՊՁԲ-20/109» ծածկագրով անհատական պաշտպանության միջոցների ձեռքբերման նպատակով կազմակերպված մրցույթի 2-րդ, 3-րդ և 4-րդ չափաբաժինների մասով ընտրված մասնակից ճանաչված (հայտարարված) «Բլամմոլ» ՍՊԸ-ն պայմանագիր կնքելու առաջարկի մասին ծանուցումը և պայմանագրի նախագիծը ստանալուց հետո չի ստորագրել և «Երևանի պետական համալսարան» հիմնադրամին ներկայացրել պայմանագիրը և որակավորման և պայմանագրի ապահովումները, խնդրում ենք հրավիրել գնահատող հանձնաժողովի արտահերթ նիստ:»:*

Հանձնաժողովի 23.06.2020թ.-ի նիստի թիվ 3 արձանագրության համաձայն՝ «ԵՊՀ-ԳՀԱՊՁԲ-20/109» ծածկագրով գնանշման հարցման գնման ընթացակարգի շրջանակում գնահատող հանձնաժողովի 2020թ.-ի մայիսի 27-ի որոշմամբ 2-րդ, 3-րդ և 4-րդ չափաբաժինների մասով ընտրված մասնակից ճանաչված «Բլամմոլ» ՍՊԸ-ին 2020թ.-ի հունիսի 10-ին էլեկտրոնային գնումների Armeps համակարգի միջոցով և [blammolc@mail.ru](mailto:blammolc@mail.ru) էլեկտրոնային փոստին ծանուցվել է պայմանագիր կնքելու առաջարկը և ուղարկվել է կնքվելիք պայմանագրի նախագիծը:



Միաժամանակ 2020թ.-ի հունիսի 10-ին «Բլամնո» ՍՊԸ-ի էլեկտրոնային փոստին է ուղարկվել ծանուցում պայմանագիր կնքելու առաջարկը տրամադրված լինելու մասին, սակայն 23.06.2020թ.-ի դրությամբ Մասնակցի կողմից պայմանագրի շնորհումը չի ընդունվել:

Ելնելով վերոգրյալից և հաշվի առնելով այն, որ «Գնումների մասին» ՀՀ օրենքի 36-րդ հոդվածի 3-րդ մասի, ինչպես նաև «ԵՊՀ-ԳՀԱՊՁԲ-20/109» ծածկագրով գնանշման հարցման ընթացակարգի հրավերի 1-ի մասի 9.5-րդ կետի պահանջների համաձայն՝ «Բլամնո» ՍՊԸ-ն պայմանագիր կնքելու առաջարկի մասին ծանուցումը և պայմանագրի նախագիծը ստանալուց հետո 10 աշխատանքային օրվա ընթացքում պետք է ստորագրեր պայմանագիրը և «Երնանի պետական համալսարան» հիմնադրամին ներկայացներ որակավորման և պայմանագրի ապահովումները, սակայն նշված ժամկետում չի ստորագրել պայմանագիրը և չի ներկայացրել նշված ապահովումները, ուստի Հանձնաժողովը որոշել է «ԵՊՀ-ԳՀԱՊՁԲ-20/109» ծածկագրով մրցույթի 2-րդ, 3-րդ և 4-րդ չափաբաժինները հայտարարել չկայացած և «Բլամնո» ՍՊԸ-ին զրկել պայմանագիրը ստորագրելու իրավունքից:

«Բլամնո» ՍՊԸ-ն մասնակցության հայտի թիվ 1 հավելվածով՝ գնանշման հարցման ընթացակարգին մասնակցելու դիմում-հայտարարությամբ, հայտարարել և հավաստել է, որ բավարարում է «ԵՊՀ-ԳՀԱՊՁԲ-20/109» ծածկագրով գնման ընթացակարգի հրավերով սահմանված մասնակցության իրավունքի պահանջներին և պարտավորվում է ընտրված մասնակից ճանաչվելու դեպքում, հրավերով սահմանված կարգով և ժամկետում, ներկայացնել գնային առաջարկի չափով որակավորման ապահովում:

Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:

Օրենքի 36-րդ հոդվածի 3-րդ մասի համաձայն՝ եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:

ՀՀ կառավարության 04.05.2017թ.-ի թիվ 526-Ն որոշմամբ (10.10.2019թ.-ի թիվ 1422-Ն փոփոխություններով) հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 12-րդ և 13-րդ ենթակետերի համաձայն՝ ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը: Ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում:

Նույն կետի 19-րդ ենթակետի համաձայն՝ հրավերով նախատեսվում է նաև, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Կարգի 50-րդ կետի համաձայն՝ ընտրված մասնակցի հետ պայմանագիրը կնքվում է օրենքի 10-րդ և 36-րդ հոդվածներով նախատեսված կարգով, եթե ներկայացվել է նաև որակավորման ապահովումը հիմնավորող փաստաթուղթը: Ընդ որում, ապրանքների գնման դեպքում ապրանքի ամբողջական նկարագիրը պայմանագրում ներառվում է՝ համաձայն ընտրված մասնակցի կողմից ներկայացված և գնահատող հանձնաժողովի կողմից բավարար գնահատված առաջարկի:

Վերոնշյալ իրավակարգավորումների համադրված վերլուծության արդյունքում, Բողոքներ քննող անձը եզրահանգում է, որ ընտրված մասնակիցը, հանձնաժողովի քարտուղարի կողմից էլեկտրոնային եղանակով ստանալով պայմանագիր կնքելու մասին ծանուցումը և պայմանագրի նախագիծը, պարտավոր է 10 աշխատանքային օրվա ընթացքում պատվիրատուին ներկայացնել իր կողմից հաստատված պայմանագրի նախագիծն ու պայմանագրի կատարման ապահովումը:

Ընդ որում, եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին չի ներկայացնում ներկայացված գնային առաջարկի չափով որակավորման ապահովում, ապա այդ հանգամանքը համարվում է որպես գնման գործընթացի շրջանակում ստանձնած պարտավորության խախտում, ինչպես նաև չներկայացնելով պայմանագրի ապահովում, վերջինս զրկվում է պայմանագիր կնքելու իրավունքից:

Վերոնշյալ իրավական նորմերի և փաստական հանգամանքների հիման վրա՝ Բողոքներ քննող անձն արձանագրում է որ Պատվիրատուն 10.06.2020թ.-ին Մասնակցին ներկայացնելով «ԵՊՀ-ԳՀԱՊՁԲ-20/109» ծածկագրով պայմանագրի նախագիծը, ապա 22.06.2020թ.-ին էլեկտրոնային փոստի միջոցով կրկին դիմելով «Բլամնո» ՍՊԸ-ին և խնդրելով ներկայացնել պայմանագրի նախագիծը, առանց սպասելու Մասնակցի արձագանքին, նույն օրը՝ 22.03.2020թ.-ին խնդրել է հրավիրել Հանձնաժողովի նիստ, իսկ 23.06.2020թ.-ին կայացած նիստի ժամանակ որոշում է «Բլամնո» ՍՊԸ-ին զրկել 2-րդ, 3-րդ և 4-րդ չափաբաժինների մասով պայմանագիր կնքելու իրավունքից, այն դեպքում, երբ Մասնակցի կողմից պայմանագրի ստորագրված տարբերակը ներկայացնելու համար ծանուցումը ստանալու պահից հաշված՝ Օրենքով սահմանված 10 աշխատանքային օրյա ժամկետը լրանալու էր 24.06.2020թ.-ը ներառյալ:

Ընդ որում, Մասնակիցը մինչև 24.06.2020թ.-ին չի դիմել Պատվիրատուին և չի հրաժարվել պայմանագիր կնքելուց, որպիսի հանգամանքը Հանձնաժողովը չէր կարող գնահատել որպես պայմանագիր կնքելուց հրաժարվելու փաստ և մինչև Մասնակցի կողմից պայմանագրի ստորագրված տարբերակ ներկայացնելու համար Օրենքով սահմանված 10 աշխատանքային օրյա ժամկետի լրանալը՝ 24.06.2020թ.-ը ներառյալ, Հանձնաժողովն իրավասու չէր 23.06.2020թ.-ին նիստ հրավիրել և Մասնակցին զրկել պայմանագիր կնքելու իրավունքից:

Բողոքներ քննող անձը հարկ է համարում փաստել, որ Օրենսդիրը, պայմանագրի ապահովում ներկայացնելու պարտականության կատարման համար սահմանելով այդպիսի պահանջ ստանալու պահից հաշված 10 աշխատանքային օրյա ժամկետ, գնման գործընթացի մասնակիցներին ընձեռել է այն օբյեկտիվ ժամանակահատվածը, երբ վերջիններս կարող են իրացնել Օրենքով և Կարգով սահմանված՝ պայմանագրի և որակավորման ապահովում ներկայացնելու պարտավորությունները: Ուստի Օրենքի 36-րդ հոդվածի 3-րդ մասի դրույթներով սահմանված պատասխանատվության միջոցները կարող

են ի հայտ գալ միայն սահմանված ժամկետի ավարտմամբ կամ մասնակցի կողմից այնպիսի գործողություններ կատարելու արդյունքում, որոնք վկայում են վերջինիս կողմից պայմանագիր կնքելուց հրաժարվելու մասին:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում՝ Բողոքներ քննող անձը հանգում է այն եզրակացության, որ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» և «բ» ենթակետերով սահմանված պատասխանատվությունը չի կարող վրա հասնել ու հանգեցնել Մասնակցին՝ գնումների գործընթացին մասնակցելու իրավունք չունեցող մասնակիցների ցուցակում ընդգրկելուն:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

### **Ո Ր Ո Շ Ե Ց**

ՀՀ ֆինանսների նախարարության կողմից 29.06.2020թ.-ի թիվ 26/26/9625-2020 գրությամբ «Բլամմո» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՅ-ԼՕ-2020/157 ծածկագրով ընթացակարգը մերժել:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ**

**ԲՈՂՈՔՆԵՐ ՔՆՆՈՂ ԱՆԶ՝**

**ԼԵՎՈՆ ՕՇԱՆՅԱՆ**

